

宿遷縣志卷十六

人物志下

國朝人才莫盛於中興之際際風雲炳旂常者無論已而抱負殊尤材兼文武不得一施終老牖下者尙指不勝屈如臧紆青者使得隸曾胡麾下獨當一面其功業所成就詎在中興諸將下哉自是以後蓋稍衰矣然惠澤施於人清望孚於鄉足以爲後進法者不可不詳也茲取采訪所得著於後

高袖海字雲帆同治癸亥補辛酉拔貢甲子朝考用知縣並舉順天鄉試初舉江西以親老改河南署內鄉除劇盜以安閭里調署原武值歲旱蠲賦請賑民慶吏生爲立碑建祠權上蔡立有差系示
車馬局民不苦役歷署鄢陵武陟桐柏諸縣皆著聲績補羅山調河內沁河潰以時塞之工堅而費省課最進三品銜以知府用癸酉乙亥丙子己卯乙酉五爲鄉試同考官稱得士解官後主河朔書院光緒十四年宿遷饑出粟賑災又募銀五百兩助之立宗祠修族譜八十餘猶手不釋卷著有貽安堂文鈔及小草藏於家

馬振京字耀廷性好施予曾輸資修東古港南河石橋及港頭新安鎮間石橋二所又有馬如葆字萃亭倡修北瀾永濟橋藕湖橋皆捐金白金或數百金至今行人猶利賴焉

武泰字峻峯阜河鎮人輕財樂善每歲募解囊濟貧乏者約數

百緡以爲常鄉鄰有爭竭力調解遂四十年無訟事初置田產
悉與弟後兩姪貧又分已產與之由行伍任運汎把總署宿汎
千總累保守備都司賞藍翎年七十有六無疾卒

盧盛芝字紫亭道光己酉拔貢河南直隸州州判粵寇亂歸里
倡建阜河鎮圩以禦寇工詩賦尤精醫術弟盛葵翰林院孔口
教授五十餘年弟子著錄者且千人著有訓蒙瑣言四卷學商
淺說二卷兄子左泉字洪源光緒甲辰歲貢幼聰慧從盛葵讀
於大學經傳多所疑問及長潛心經學至老不倦十三經注疏
皆丹黃數次考證精詳

宋毓秀字子翹事親以孝聞好施與於鄰族多所周卹練鄉兵
補縣志

禦寇擒其渠馬洪標授國子監典籍

潘訓業字肄山歲貢敦睦族黨人有急難竭力營救之善屬文
工書誘掖後進循循罔倦精醫術濟人不受酬

張繫自原名殿璧國子監生事親善承意旨親沒喪葬盡禮歲
時展墓必涕泣與人交久而能敬里人有以訟羈縻下者久不
得歸爲嫁其兩女陸某死豐於財而無子其族梗之爲營葬立
嗣不避怨嫌爲人排難解紛未嘗明斥其非而人自愧悔拯貧
乏恤疾苦橋梁廟宇皆力任之心存利濟老而不衰

盧麟昇字步堂國子監生有膽勇皖撫任柱犯境鄉人奔避迫
於河麟昇獨爲殿男女三四百人始得以次渡好善樂施遇荒

災則捐金施賑遇貧苦則解衣推食貧民租戶弛債焚券尤難
悉數年八十三無疾卒

陸治本密灣人生而啞貨殖出入必以平會大火治本持量衡
於庭指心向天以明不欺既而左右鄰屋悉燼治本草舍獨無
恙每歲饑遇饑人子市粟恆陰返其值子文椿領鄉薦人謂報
施不爽云

曹以珠字瑞堂諸生性孝咸豐四年擄寇逼舉家東避卒與寇
遇父秀故武生有勇力關弓射之賊怒發鎗回擊珠以身蔽父
被數鎗不少避父得無恙子岷山武生亦純孝曲意承顏母王
氏衰年臥病岷山侍湯藥日夜不離母側三年如一日年五十

智遷縣志

九卒

臧樂亭字玉坡密灣人果斷有爲密灣故巨鎮商賈輻湊光緒
中樂亭董鎮事者十年廉明有謀莫不敬憚某商負債巨將傾
其業樂亭爲說所負者復贖金助之債卒償而業得無失丁戊
間歲數洊饑振不暇給道殣相望樂亭倡糶豆餅按日計口驗
而售之始行於鎮既推之遠近村巷遂無餓死者市里紛爭取
決樂亭之一言無不折服從父隆遠子幼無行重沒託孤於樂
亭樂亭爲經理之而計日授之食產以全

張爰珂字玉風世居黑墩咸豐末賊擾韓家集爰珂請於當道
集兵攻剿馬逸遇害事聞祀徐州昭忠祠

羅鏞字子揚一字叶笙諸生納粟得知縣選福建建陽縣調晉江以廉幹著課最遷龍巖州知州調浙江玉環同知擢甯波府知府兩署甯紹台道咸豐初以病歸撫寇犯境叔綬弟銓死之愴懷家國絕意仕進一以捍衛鄉里自任築圩崇創保甲賴以全者甚衆素善書晚益工人爭寶之銓字啓山剛直有爲咸豐間上寇蠡起銓倡辦衛良局募健卒百餘人日夜邏守民賴以安皖撫大至鎮不守銓隨其叔綬罵賊死祀昭忠祠給雲騎尉世職鏞嗣子恩運字少揚一字惠齋廩貢生候選教諭客游魯豫及大江南北當軸皆賓禮之甲午中東事棘上書劉忠誠題其議檄署六合訓導如皋教諭庚子後歸田不復出著有南遊

草樓花樓詩集子會勤會通會恭會莊並世其學銓長子性運字小山出繼鈞字性篤孝皖撫犯境性運已出聞銓爲撫掠復走等銓不得思乘間殺賊報父仇事覺遇害給雲騎尉世職

鮑綸魁字雲鶴同治丁卯舉人事繼母以孝聞撫兩孤姪如己子並有聞於時生平嗜學老而彌篤尤服膺宋儒朱鐸金陵以義理之學助諸生多所成就士林尊之

羅坦連字幼溪捐職州同幼孤事母孝視母之顏色爲憂喜母不愉必跪請其故委婉進諫務使母悅而後已鄉里戚族有貧乏者必周恤之無德色

蔡冠一字綸魁武生性勇敢能任事咸豐間西撫東竄冠一策

圩寨率鄉練爲之衛一鄉獲全樂施與善排解遠近歸之

鮑梓生字楚材少孤家貧幼學穎悟過人讀書日數行下年十六補諸生光緒丁酉舉於鄉年三十一卒著有易學源流及乾坤正氣集未竟所學知者惜之又有陳頤者諸生力學不倦年二十二歿著有有鵬拙軒詩集

吳瑄字玉坡諸生性謙謹好讀書不慕榮利幼師貢生鈕瀛瀛卒葬城東垵每過墓旁必再拜歲時必具酒脯致祭重游泮水年九十五卒

吳彤字鍼筆號采雲道光丁酉拔貢博涉羣書經史而外兼及象緯岐黃金石無不窮究善書法擅顏平原人爭寶之歷選漂

相遺集

卷六

五

水丹陽興化教諭均以母老辭家居課徒多所成就年七十卒黃峻業字育亭性謙謹鄉里有應興應革事皆爲之倡事成不居其功必曰某某之力也咸豐末知亂將至糾同志創保安團分段守禦寇至城賴以全以守城功授布政司理問加運同銜葉蘭皋字香晚廩貢生少負經濟才遇事能持大體邑故無郭蘭皋倡築役初興衆怨沸騰或呼名詬之不顧也同治六年皖撫任柱賴文洸犯境四郊糜爛城獨完邑設夫廠應差值軍興廠夫攔奪民車爲民病蘭皋與陳燮請於官革之捐造官車百二十輛以資運輸並嚴定章程期無廢事積弊以除又控撤宿遷早關爭回書院田畝地方皆隱受其福燮字理卿邑廩生孝

友勛學剛正不阿教授鄉里循循善誘賢與聞者創修縣志惜年僅三十九卒築郭之役黃峻業朱慶唐皆與焉治團練助守禦兩人亦左右之峻業自有傳慶唐字彩軒

劉敬堂字心穀諸生性篤孝好施濟父病篤刲股和藥進遂愈母歿哀毀骨立葬後廬墓三年同治間與里人張書之等議設清節堂出資請領湖田以爲卹廢經費邑內嫠婦至今賴之
七十二年

葉道源字仲來號心渠少孤貧卓犖不羈以教授贍家事寡嫂撫弱弟及諸孤姪修脯一無所私於書無不讀孜孜苦尤致力詩古文詞中同治庚午舉人從遊者多所成就書宗李北海

省縣志

卷十六

人物志

小

得其神髓著有荷澤縣志如干卷大瓠山房詩集二卷史詩二卷文集二卷

吳斯邁字晉廷性至孝嗣母哀癰疾而啞斯邁視聽於無形聲時飲食以匕箸進藥餌必親嘗臥起盥嗽先具以至扶持抑搔浣衣垢不借他人見眉蹙則屏息傍徨色懼乃止暇輒以篋與撓遊庭中母歿哀毀逾所生歲時祭祀恆涕泣不能食里有欲請旌其孝者堅謝之

陳士敬字子言性篤厚好施濟不憚傾囊光緒十二年赴吉林施義賑以勞授縣丞旋供差漠河金礦閱二年頗著成效擢知縣辦內興安嶺開墾窮荒絕域人迹罕至士敬不辭勞瘁竟以

是致疾卒事聞贈道銜

王受福字雲樵邵增生安貧讀書博雅多聞工山水遠師黃鶴
山樵近法麓臺頗得其神似兼工書年七十六卒

卓世元農家子性孝父病瘵癯瀕危醫云痧出則生不則死世
元請吸父不許再而後可世元盡力吸之痧竟出如策核父病
良已晚復患癰世元侍湯藥躬浣濯不舍晝夜其父嘗謂人曰
吾無此子死久矣

韓砥中字石臣歲貢生性至孝親沒廬墓終身家貧好施與或
倉猝求貸不及措卽解衣遺之里有紛糾排解不遺餘力嘗挾
貨走省郡爲人息訟費不給則益以衣物博涉多通於政治海

南遷縣志

卷十六

人物志下

七二

防靡不悉心考察而終不見用時論惜之又毛秀錦孤貧至
孝母沒廬墓三年

張啓昌字禹亭急公好義嘗集民夫千人築六塘河韓家灣決
隄百六十丈先是每值水漲近村輒被害自後遂免丙申歲大
歉借邑人王福運乞賑於上海義賑局活人無算

蔡長靖字純庵世居六塘河南幼有大志不類羣兒同治五年
夏河溢汎濫數十里靖請修築以款絀不行乃說里之富室醵
金募民夫築之舉南岸深洪六道堵缺增高經月餘歲事蓋自
咸豐初黃河決下流由駱馬湖東注六塘隄堰悉毀民歲苦水
至是患始稍息懋匪驛驤思築土圍以資防禦顧力不辦鄰卓

某殷富趣使爲之未成而燃寇大至卓惶駭無措長靖集衆且築且守更選丁壯百人輪司巡邏防寇夜襲自執短槍督察達旦不寐賊一再掩襲不得逞空羣來犯又不勝乃令奸民泅人詐言圍破以搖衆心靖迹得送官斬之堅守七日夜官軍至賊遁時六塘河南北破圍十數死者數百人茲圍未成而獨完避難者數千人無一遇害長靖力也晚著六塘河說年六十四卒戚瀛洲字海山性慷慨好施與親戚交遊急難傾囊不恤戚豐初穎毫盜起練鄉團數百人皆善技擊官府征調必率以從後皖匪勢熾遂首築上圩遠近獲全者萬家匪至輒迂道而東不敢犯以軍功授縣丞賞藍翎

宿遷縣志

卷十六

八

潘正均字贊廷幼有至性以孝聞應童子試累不售旋以皖匪亂徐屬三停科歲試同治二年開考正均府縣試皆前列院試將入場忽聞傳言父得暴疾卽刻東歸同人勸挽言傳言未必確正均不可冒雨徒步返衣盡溼足腫潰不知痛抵家一日而父死後遂絕意進取母體胖起臥須挾掖且好潔裏衣必日浣正均身任勞役十餘年中裙廁膾皆自爲洗濯子女請代終不許授徒以養甘旨未嘗缺母卒年已老哭母喪明七十一卒楊泗洪字錫九幼矯健多權略同治元年以武童投效淮軍累功至花翎遊擊光緒十五年從巡撫劉銘傳征臺灣陞參將營副將以勦楓港番禽首逆寄阿零擢總兵二十一年中日和議

成棄臺灣泗洪憤甚與欽差大臣劉永福等十八人喋血誓師
期固疆圍會日兵進據彰化泗洪設奇計斃敵千人敵退蹣之
至嘉義落洪橋鏖戰數晝夜身受二十餘創卒七月二十一日
也彰化一役土人祀之

黃勤娘字玉山性至孝曾刲股愈母疾咸同間設肆桃源衆興
鎮撚寇擾衆興死亡枕藉流尸蔽河時方盛夏勤娘一一收瘞
先是某寄千金於肆寇至與已金皆窖藏俄已金被發某金獨
完歸之分報不受鄰某以其子片言之卻其門三日杜門不
與校後其亦愧謝生平惜字每見遺棄輒收焚之至老不衰子
森字子珍孝義有父風父病危刲股和藥進諸父兄弟有不給

孝順是

七

者資贖無使之黃河暴漲舉家奔避委其弟亨業於途森方八
歲泣抱隨行竟獲全爲人主會計絲粟無苟或挾千金以私
峻卻之佐李振雲守如皋以勞敘布政司理問需次浙江以監
海塘功擢通判歷任溫州金華通判皆著賢聲營以剗餘金償
宿負所負者死難其家初不知也弟亨業同治庚午舉人管業
同治癸酉拔貢勤娘孫以霖光緒乙酉拔貢辛卯舉人官至湖
南布政使

一

葉以萃字聚英仰化集人性豪爽尚義氣重然諾初業負販有
聲江南北家遂以饒撚寇逼築圍砦繕守備皆首輸巨資晚推
己產均之子若姪集介邑東鄙鮮讀書者以萃延名宿課諸子

有來學者悉不拒士風不變文藝遂爲一鄉冠人有訟事必力爲排解囊相助不惜也

陳環字子循同治甲子舉人能文工詩於書無不讀晚主彭城書塾遊門牆者益衆叩以經史疑義輒力迎縷解各得其意以去修脯所積購卷帙盈千昕夕丹黃老而不倦著有古香閣雜文二卷詩四卷海棠香國詞一卷年六十七卒子文寶字介臣環第五子幼從父遊色養惟謹服食動止體周纖悉母貞疾廿年癯潔善怒文寶每歸省曲意承奉能使色愉念母久不愈思以身代一日遺書枕下不告而行其兄跡之嶧南道上憔悴飢疲殆無人色因挈以歸蓋北寺舍身崖已踰膝詢登俗所經或宿遷縣志卷十六人物上

察其故勸阻始返辛卯九月事也既授室三日而出以母病終身未嘗居私孤介特甚篤嗜漢學述尙書篇目古今文有無若春秋世卿流系縷縷無爽惜不永年未壯而沒

陸景條字鳳棲武生皖寇犯境縱淫擄景條帥子弟奮擊救被擄男婦數百人於是里中壯士皆附之遂保全一鄉

葉祥麟字子厚少權奇負氣重然諸急人之難千金無少吝日與諸少年相馳逐諸少年亦爭歸之然寇之薄海州而西也祥麟集鄉里子弟以兵法部勒之寇至擊殺無算得所掠財物以鑄五兵臂益震寇自是不敢西戊戌丁未歲再較鬻田二百畝貸藏粟貨廢馬以補官振之窮泯水數潰築堤捍之人有乞貸

無多寡立應不能償輒焚券族有不肖子陰結無賴欲圖之賴
先知不得逞後不肯者窮無依仍恤之終其身指紳有相侵者
後死輦下贍其家歸其喪若不知有前事事母孝奉寡嫂以禮
建宗祠購祭田設家塾修族譜以敦一本晚營小園栽梅種蔬
嘯傲其間年六十自爲斂身之具戒諸子薄葬卒年六十五
高冠卿字尚真邑庠生孝子高晤裔也同族某兄弟皆盜魁冠
卿弟季欲告官除之盜怒率黨殺季緝盜久不獲冠卿痛弟
之仇請於官率一弟一僕徧迹之至揚州偵知盜匿儀真率
僕夜走百餘里蹈冰雪傷踵趾血股履襪至則捕盜盜反拒刃
傷冠卿臂血流及肘卒獲之遂交官解案途次以貽脫冠卿復
捕盜縣志卷之六

人物志下

十一

懷刀幸弟僕如前出經年得盜黨一不敢復交官以小舟載至
江手刃之歸告弟某緝盜仍不懈後聞盜一溺死一爲同
黨所殺乃歸卒於家年五十

蔡鎮平字子衡山武舉官淮揚鎮標王集汛千總移洋河左哨
千總咸豐己未奉河督檄兼辦團練明年寇薄宿境鎮平偕從
兄不倫兄子家珍分領團練扼要截擊自晨至日中殺賊甚衆
以衆寡不敵陷陣死事聞賞雲騎尉世職卹銀百兩不倫家珍
亦戰死

游洪山故游擊張振西部屬也以軍功累敘至千總同治末流
賊孫懷五嘯聚千數百人躡江蘇安徽河南界三省協剿累年

不能制光緒元年懷五距桃源某村洪山從振西擊之夜往先登慶戰達旦手刃數十賊陣亡時遂斬懷五贈雲騎尉世職蕭恆興太學生性至孝母病刲股吳慶嵐秦以恕先後刲股已親疾如恆翼事

陳維義字質庵諸生成豐間皖撫犯境父爲賊所傷晝夜待湯藥凡數月不解因建議築圩圩成鄉里賴以安有族人家治家保者與同里蔡姓有隙蔡誣家治爲盜殺之投其屍於河又誣家保捕而送諸縣縣知其誣釋之蔡遂賄觀察某嚴緝家保家保求救於族衆衆推維義乃攜家保赴郡鳴冤都察院下其獄於巡撫而是時某觀察適以方伯獲撫家保遂刑斃維義亦

宿遷縣志

卷十八 人物下

十一

礙於下獄邑人士大譁請於督學而維義弟與家保妻再叩關得發總督覆讞冤始白復其於蔡充伊犁軍家素貧廉介自持性剛正不可干以私年六十四卒兄維演字同川邑諸生方維義在獄竭力營救集數百金以供獄中之費命其弟赴京鳴冤脫維義於難平居溫溫與人言若恐傷之鄉里紛爭得一言輒解卒年六十一

陸承臯字蘊蘭歲貢生幼孤事祖至孝母教之嚴細過不稍貸承臯婉容愉色孝事愈謹撫兩弟極友愛族中貧不能學者羅而教之好儒先語錄日坐斗室手一編有得必書久遂成帙督課鍾吾書院兼董其事士論推之與人無忤終身未賞臧否人

物年六十六卒

羅鑲字子襄性剛直不輕然諾平時留心吏治任浙江嘉興府河南開封府通判循聲卓著旋授山東兗州府運河同知署運河兵備道以親老乞休

王保庸字拙山邑庠生廉介樸厚不求名於時茅屋數椽怡然自樂城市罕有其迹人稱爲王牆東子家王字樹庭廩貢生工詞章有時名

楊書奎字小亭郡廩生性篤孝父祖故哀痛淚盡繼以血汗出如洗越一日殞

徐涇字子清廩生有金石癖工鐫印能以數分作數十字小而

宿遷縣志卷十七

列女志

婦之事夫與臣之事君其義一也世教既頹臨大節懷武心者史不絕書若蘇秦之相六國馮道之事五朝抑又下焉其甚者主少國疑則起而攘之而委巷之女漆室之接一隕所天之死靡忒飲冰茹蘗百苦如飴其視三事大夫朝秦暮楚者豈乎尙矣其才行高秀不專一操者亦附載焉志列女

西楚霸王項羽美人虞姬常幸從羽被圍垓下中夜起飲帳中悲歌慷慨自爲歌詩歌數曲美人和之史記項羽傳請劍先死遂自

刎楚漢春秋垓下和歌漢兵已略地四面楚歌聲君王悲氣鬱

緒遷縣志卷十七

千秋採上聲呼聲漢宮春色輕銷歇高后圖陵與地不武進安氏未和詩天下有英雄亦奇女子惜哉太史公不記美人死

元葉姜氏年二十五守節攜三子自蘇避亂北來途遇一婦攜女行甚急遺其囊中有白金三十餘餅姜呼而還之以半酬不受王文恪公爲傳表之至正二十五年事

明王昉妻朱氏年二十九夫沒子興生僅四十二日家貧紡績訓子興以歲薦爲冠縣丞羅倫以詩紀其事有句云百年白日心萬古光不死昭昭天壤間焉用一幅紙天順癸未旌

肅士英妻張氏夫沒守節三子皆幼伯姒欲奪其志陵虐備至誓死不移伯姒沒無子張葬祭以禮里人賢之年踰九十卒婦唐亦有淑行

生員謝達妻朱氏年二十夫沒引刀自裁家人趨救血沾襟不死絕粒六日不死卒自經死嘉靖元年旌呂枏爲傳碑記

沈飛龍妻蘇氏有賢行事婦姑和妯娌數十年無違言小姑少寡迎歸共居教其子成立夫妾生子愛如己子里人稱之

陳明道女明道爲東海郡吏被逮繫淮安獄母病篤女時年十歲夢神人教以刲股旦日如神言作羹以進母病尋愈有司以聞立釋其父下書旌之

何陸女字管遶爲繼室遶亡女聞之盡焚金具及遶出喪著哀麻送葬畢遂歸管奉姑撫前子昂成立八十歲卒

本朝施灝妻葉氏年十七歸灝居安窩順治五年榆園賊至執宿遷縣志

灝父索金榜掠葉跪懇願以身代賊欲執葉去給之曰翁有金藏井側詣井上遂投井中賊垂轡使出大罵賊怒下巨石碎其首翁得免越數日鄉人出尸於井顏色如生

北鄉佃民妻某氏一日其母家途遇健卒戲女單弱下馬相逼女給其繫轡於足突取土塊擊馬馬驚馳卒之裂死女竟得免

雙烈婦者山東堂邑人楊崇核子妻妾也楊初應募小岡募駐兵宿遷既而悔請去葉不許遂以其黨遁葉遣追及之楊曰吾思鄉非叛也爲吾語將軍吾行迫不能及妻妾倘宥我無他請殺之葉怒其語召其妻妾告之曰彼不義負若若輩何罪吾麾

下勝彼者如林試擇嫁焉其妻妾曰楊某誠不良然嘗聞女不
事二夫賴將軍大德飭軍校賜一啻生瘞吾兩人感且不朽矣
有幕僚嗾葉曰佳事也盍成之遂坑於城西門外南塹火星廟
後坑成二人盛服飾倩人布衾櫬妻先下臥妾乃下互理衣裳
之拳蹙者畢徐號曰可下土矣竟掩之觀者傾城率爲隕涕楊
頭銳足小而腹蟠人以形似呼之圭美堂集及竹石居皆
有詩記其事與此小異

張星焯妻羅氏年二十歸星焯半載星焯以母喪哀毀卒羅出

衣履盡焚之仰藥不死遂自縊於園旁李吳臣詩君如枯樹枝
妾如葛藟絲感君難綿

意願言百世期一朝忽摧折妾身當自持君疾心已死君死身
何辭黃泉路非遙前行相逼逼抱我青銅鑑君我素羅褲從容

理輪轉生死當相隨傷哉貞婦魂一死綢常垂慙慙世風替大
道日淪夷奚爲巾幗間棄節堅不移高山起嶺嶺河水長瀾瀾

有遺集
卷一
一列女志上

芳稱亦已永鑄古例如斯莫日拜姑婦從容理瑣瑣親鄰各相
不識閨中事寧識長相思

歲謂此雙驚鳥大堪好讀書妾爲主中饋勤操井口功長此度
年歲寂寂問庭花催催插簪鴉婦德貴柔順激烈非所誇嫁郎

一載餘生載郎病疽但知有郎病不復知郎病今忽長逝妾
生何所知至性食不移名義安可辭八月悼姑亡五月夫亦死

夫以死殉親妾身殉夫死焚妾羅襦解妾雙明珠妾身盡今
日菽水悲諸姑妾身有高堂毛裏性所成衣涕如雨不復聞

兒聲纖手舉白練寸腸從此
斷徐徐理青絲勿爲白髮亂

烈婦某氏夫病危無子女誓以死殉夫曰吾有弟然不能養母

汝所知也汝復死委病母何地遂諾之姑篤疾十餘年在牀蓐

飲食皆於踏板上跪進著膝處雙穴幾穿姑沒盡心力成禮葬

畢謂夫弟曰汝兄沒吾分應從死以養母故遲至今今大事就

矣尙留人世胡爲耶是夜竟紉綴衣裳赴家後池水中死圭美
堂集

戚篤生妻陳氏康熙七年六月十七日夜地大震屋將傾其子維來急掖之時倉卒不能備衣履陳叱以衣不具寧死不出及維來取衣往已被壓死時有女將及笄以母未出亦死陳年五十一

生員戚燦妻蔡氏夫婦俱有孝行燦病不愈蔡刲股者三家素不豐猶竭力資鄰族喪葬子由填教之成名邑人至今傳之陸舊嗣妻蘇氏舊嗣四十無子蘇爲置妾生子撫如己出事伯姒甚謹舊嗣疾醫藥不效乃刲股以進夜夢神人賜壽二紀遂愈知縣尙登岸以格天益壽獎之

庠生陸舊勇妻朱氏性孝姑沒夫弟妹俱幼稚鞠育周至並爲宿遷縣志卷十七
四一
夫置妾生子撫之如所生

陸舊翼妻于氏善事繼姑舊翼四十無子爲置妾梁氏生二子舊翼卒梁尙少委曲護之以全其節

戚靜齋妻徐氏爾瑁女性孝謹翁凡三娶皆事之如初其從弟用錫以在女稱淑在婦稱賢贊之非溢美云

庠生蘇起修妻胡氏父病夫病兩刲股焉

州同知朱澍妻高氏監生履丹女澍病篤高刲股療之澍痊而高竟以創卒

邳州諸生陳獻琬妻曹氏名宜姬邑增生濂女端淑簡重年十八歸獻琬四載而獻琬沒毀容自誓夫兄獻瑾潛蓄異謀曹知